

## Хайрия эмас, насия



10:49 / 17.10.2018 2811

Дубайда жойлашган Kebab Shop муассаси ёнида антиқа эълонга кўзингиз тушади – унда таомлар рўйхати бўлиб, уларга чегирмалар кўрсатилмаган, лекин вақтинча ишсизлар у ерда бепул овқатланишлари мумкинлиги айтилган.

«Агар сиз ишсиз ва ҳозирда иш излаётган бўлсангиз, бу ерга кириб, тамадди қилиб кетинг», – дейилади эълонда. Шунингдек бунинг хайрия эмаслиги ҳам таъкидлаб ўтилган. Меҳмонларда пул пайдо бўлиши билан тушликка тўловни амалга ошириш таклиф қилинган.

Islam.ru нашрининг маълумотларига кўра, ушбу эълон Дубайда ресторон филиалига эгалик қилаётган покистонлик тадбиркор Камол Ризвининг ташаббуси билан пайдо бўлган.

«Бизда ҳар куни тамадди қиласиган ва ресторонда вақтини чоғ ўтказадиган бир нечта мижоз бор. Бу – бамисоли улар учун иккинчи уй. Бир куни мен улардан бири ресторонимизга келмай қолганини пайқадим», – дейди Камол.

Кейинчалик, тадбиркорга бу одам ишидан айрилиб, энди ресторанда овқатланиш имконига эга эмаслиги маълум бўлган. Камол мижозга унинг дўсти орқали ресторанга келавериши мумкинлигини айтган.

«Мен буни хайрия эмас, балки насия деб ҳисоблашим, агар у ишга жойлашганидан кейин тўлашни истаса, тўлайвериши мумкинлиги билдиридим», – дейди Камол.

Шундан сўнг мижоз яна ресторонга қатнай бошлаган. Ресторан хўжайинини бундай вазиятга тушиб қолган яна қанчадан-қанча одамлар борлиги чуқур ўйга солган. Бу унинг ташаббус кўрсатишига туртки бўлган.

***Islom.uz портали таҳририяти***